

Sierninger Tanzherrn Rud

Rudenkirtag Sierning Faschingdienstag 13.2.2024



<p>Griass eich Gott – alle Leit, D`Sianga Tanzherrn san bereit, neiche Gsichter - hauma zwoa, jeder hoast – Postlmoar. Rund ums Doaf und bis nach Wean, werd`s a paar - Gschichtln hean, macht`s halt jetzt - koa sau`s Gsicht, a Liter fallt – net ins Gwicht.</p>	<p>An neichen Gast hama heit, <i>er</i> kimmt her - ziemlich weit, Landwirtschaftskammer-Präsident, Franz Waldenberger – wer`n net kennt, und so möcht ma`n begriassn, a wenig was wird er zahln miassn, tringa tama – jedenfalls, ausser Wasser – fast ois!</p>
<p>Mehr wia 20 Joahr is modern, Viagra für - aktive Herrn! A hoalberte (1/2) - is groad gnua', pinkelts net auf deine Schuah. Schluckst oan Ganze – jede Wett, fallst garantiert net - ausn Bett! Nimmst - mehra auf a mal, trogst sogar – an Siloballn!</p>	<p>Aufn Schlossplatz in Sierng, wird se d`Eisbahn nia rentiern, steht de ganze Wocha stüll, weil se koana umschaun wüll, Samsta, Sunnda is halt zweng, auf da Gmoa hams da net denkt, is a Flop – für die Roten, bringt nix ein – macht nur Schaden!</p>
<p>D`Aschacher haum vül Sorgn, d`Nahversorger san ausgstorbm, <i>trotzdem</i> - baun's dort ebm Wohnungen zan schöner Lebmb, miassn D`Leit nach Steyr und Sierng, dass a Klopapier wo kriagn, wer koa Auto - nimma hat, hat am Häusl – dann die Not!</p>	<p>D`Hauptschui hat an Sand bestöllt, ban Sianga Bauhof – wird vazöhlt, <i>doch</i> dann haum - de Suam, einigfüllt - in de Sprunggruabm. lauter <i>Trocken</i> - beton! Dös war a <i>harte</i> - Aktion, Am Bauhof drent – jede Wett, kinnan`s Lesn - heit nu net!</p>
<p>In Hilbern hams a Musiheim, dass oan d Augn - steckableibm, wia zwoa Häuser - nebmanand, des is Absicht und <i>war</i> plant, s Erste is zan Musiprobm, s Zweite miass ma ah nuh lobm, im MUSI ZEUGHAUS - wird <i>bei</i> Nacht, eana Nachwuchs selba gmacht!</p>	<p>Da Buchegger Hans hat a Malheur, er braucht an – Installateur. Der ziagt d`Schuach aus – ganz brav, doch vorm Hoamfahrn - war er baff, d`Schuach san weg – was is da Grund, g`stoin hat`s net – ea frecha Hund, dem Viech hättn`s eh - gar net passt, es war da Hans – dös Gfrast!</p>

<p>Herr Pfarrer Sperker, der wird zan Steyrtaler Oberhirt, allweil mehr wachst sein Stress, überall wolln d Leit a Mess, hiatzt fangt er scho zan Denga an, wiara des - damacha kann, bergauf, bergab - über d Hügerl, helfan netta Engelsflügerl!</p>	<p>In Bad Ischl drom am Platzl, tanzen etla - Nackapatzl, pudern ean Körper zua sowas nennt ma heit Kultur, kriagn fia solche Aktionen, häufti Steuermillionen, next's Jahr tanz ma gwandlfrei, dann gibt's fia uns - Geld wie Hei!</p>
<p>Zwoa kesse Siernga Alt-Blondinen Mia gratuliern - den Sechzgerinnen, Gabi und Silvia - ladn ein, a Fahrt ins Blaue soi des sein, nach Parlament und Kabare(tt), warn dann alle kreizfide(l), und nachn Heurign - schau schau, de reifen Damen - zwetschknblau!</p>	<p>Ön Wolfinger Edi(Plank) sei Schusslarei, kimmt eam oiweu wieder tei, kracht hat's in - da Hackmaschin, sei Maurerfäustl war da drin. <i>Gschafitn</i> und Organisiern, passt vü bessa zu sein Hirn, net Renna und net Traktorfahrn, so kunnt er - am mehran sparn!</p>
<p>Der Lehner Siegi – nimma jung, macht hiatzt bald sei Jagdprüfung, Seinerzeit als Schürznjager, sei Streckn war ja do net mager, war de Zeit a nuh so sche, s Weibern wird halt nimma geh, doh für eahm is des fix, ohne Büchsn geht halt nix.</p>	<p>Unser Landler is aus, sads net geizig ban Applaus, de mehran G`schichtn de san wahr, sehgn uns wieder in an Jahr, wann der Kirchaturm nuh steht und de Welt net untergeht, Pfiat eich Gott und stellts vül an, was mar ansinga kann!</p>